

支奇窮。人間有史此神迹。卯竟敵石蠅驅蜂。然而一以當百百抵萬。豈免勁羽得雕弓。忠魂毅魄例不滅。騰爲紫電飄爲虹。虹飛電掣炤塵世。應見馬鬣增新封。巍巍華表鶴動業。赫赫祠宇昭儀容。成都花木春蔥蘢。錦江水石鳴琤鏦。青山妥骨記今日。旌旗冠蓋紛相從。兩廡鐘鼓一爲奠。階前俎豆千秋供。白頭翁媪避室奧。有淚如綆沾枯節。麻衣幼婦更腸斷。孤兒在抱聲啾啾。維我主帥人中龍。撫棺亦復悲填胸。曰爾諸將年正少。何乃賈志莫遂眠幽叢。從來猛士國所寶。喪我肘臂將毋同。一杯酌地香煙穠。萬山突兀生悲風。若有神兮求空濛。吁嗟乎神若來兮歸爾宮。試看明年抗戰收全功。

### 春興

李仙根

日下風光異樣春，興懷事物亦陳陳。磨殘疲骨身餘幾，淚澁癡心花又新。皺水不干魚潑刺，一籠微惜雀精神。閒情舊說西來好，滿目山川愁煞人。

### 閱人多矣西來尤多不能無詩

四月一日萬愚節作

入世孰能空四大，閱人我得別三觀。腰圓背厚曾何羨，骨冷神清始耐看。可道非常仍近道，知難從古是真難。五陵結客當年事，白髮江湖意未殘。